

Хорижий инвестициялар иштирокидаги
«Ўзбекистон рангли металл парчалари,
чиқиндиларини тайёрлаш ва қайта
ишлаш заводи» акциядорлик жамияти
акциядорлари умумий йиғилиши
_____ – сонли баённомаси
2019 йил «28» июндаги
қарорига асосан
«ТАСДИҚЛАНГАН»

**ХОРИЖИЙ ИНВЕСТИЦИЯЛАР ИШТИРОКИДАГИ «ЎЗБЕКИСТОН
РАНГЛИ МЕТАЛЛ ПАРЧАЛАРИ, ЧИҚИНДИЛАРИНИ ТАЙЁРЛАШ
ВА ҚАЙТА ИШЛАШ ЗАВОДИ» АКЦИЯДОРЛИК ЖАМИЯТИНИНГ
КУЗАТУВ КЕНГАШИ ТЎҒРИСИДАГИ НИЗОМИ**

МУНДАРИЖА

I.	Умумий қисм.....	
II.	Кузатув кенгашининг ваколатлари	
III.	Кузатув кенгаши аъзоларининг сайланиши, тайинланиши ва муддатидан олдин ваколатларининг тугатилиши	
IV.	Кузатув кенгашининг раиси	8
V.	Кузатув кенгашининг йиғилиши.....	8
VI.	Кузатув кенгаши аъзоларининг ҳуқуқ ва мажбуриятлари.....	10
VII.	Кузатув кенгаши аъзоларининг жавобгарлиги	11
VIII.	Кузатув кенгаши аъзоларига мукофотлар тайинланишининг тартиби	12
IX.	Хулоса қисми	

I. УМУМИЙ ҚИСМ

1. Ушбу Низом Ўзбекистон Республикасининг “Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги Қонун, Ўзбекистон Республика Вазирлар Маҳкамасининг 2017 йил 18 октябрдаги № ПҚ-849 “Рангли металл парчалари ва чиқиндиларини тўплаш, топшириш ҳамда қайта ишлаш тизимини такомиллаштириш чора-тадбирлари тўғрисида”ги Қарори ва Ўзбекистон Республика Вазирлар Маҳкамасининг 2018 йил 06 июндаги № ПҚ-425 “Рангли ва қора металл парчалари, чиқиндилари билан ишлаш тартибини такомиллаштириш чора-тадбирлари тўғрисида”ги Қарори ва бошқа меъёрий-норматив ҳужжатлар, Хорижий инвестициялар иштирокидаги «Ўзбекистон рангли металл парчалари, чиқиндиларини тайёрлаш ва қайта ишлаш заводи» акциядорлик жамиятининг (бундан кейин матнда - жамият) Акциядорлик жамиятлари фаолияти самарадорлигини ошириш ва корпоратив бошқариш тизимини такомиллаштириш комиссиясининг 2015 йил 31 декабрдаги № 9-сонли баённомасига мувофиқ ишлаб чиқилган, жамият кузатув кенгашининг мақомини белгилаб, иши регламентини, унинг аъзоларини сайлаш, ҳамда уларнинг ҳуқуқ ва мажбуриятларини аниқлайди.

2. Кузатув кенгаши жамият фаолиятига умумий раҳбарликни амалга оширади, ҳал қилиниши қонунчилик ва жамият низоми томонидан акциядорларнинг умумий йиғилиши ваколатлари бундан мустасно.

3. Кузатув кенгаши аъзолари ўртасида вазифаларнинг тақсимланиши кузатув кенгаши раиси томонидан кузатув кенгаши аъзоларининг ҳар бири учун конкрет тарзда амалга оширилади.

II. КУЗАТУВ КЕНГАШИНИНГ ВАКОЛАТЛАРИ

4. Кузатув кенгаши ваколатлари доирасига қуйидагилар киради:

жамиятни ривожлантириш стратегиясига эришиш бўйича кўрилаётган чора-тадбирлар тўғрисида жамият ижроия органининг ҳисоботини мунтазам равишда эшитиб борган ҳолда жамият фаолиятининг устувор йўналишларини белгилаш;

жамиятнинг йиллик ва навбатдан ташқари акционерларнинг умумий йиғилишини чақириш, Ўзбекистон Республикасининг “Акциядорлик жамиятлари ва акциядорларнинг ҳуқуқини ҳимоя қилиш тўғрисида”ги Қонунининг 65 моддаси ўн биринчи қисмидаги ҳолатлар бундан мустасно;

акциядорлар умумий йиғилишининг кун тартибини тайёрлаш;

акциядорларнинг умумий йиғилиши ўтказиладиган сана, вақт ва жойни белгилаш;

акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;

ушбу Қонун 59-моддаси биринчи қисмининг иккинчи хатбошисида назарда тутилган масалаларни акциядорларнинг умумий йиғилиши ҳал қилиши учун киритиш;

мол-мулкнинг бозор қийматини белгилашни ташкил этиш;

агар жамиятнинг уставига ёки акциядорлар умумий йиғилишининг қарорига мувофиқ бундай ҳуқуқ унга берилган бўлса, қонунларда назарда тутилган ҳолларда жамият томонидан жойлаштирилган акциялар, облигациялар ва бошқа қимматли қоғозларни сотиб олиш тўғрисида қарор қабул қилиш;

жамиятнинг бошқарув аъзоларини (раисдан ташқари) сайлаш (тайинлаш), уларнинг ваколатларини муддатидан илгари тугатиш

жамиятнинг ижроия этувчи органини шакллантириш, унинг раҳбарини сайлаш (тайинлаш), ўз ваколатларини муддатидан илгари тугатиш;

ижро органи раҳбари ва унинг аъзолари лавозимларига танлов эълон қилиш, раҳбарлик лавозимларига танлов ўтказиш регламентини тасдиқлаш, саралашнинг объектив мезонларини аниқлаб, унинг натижалари бўйича ҳозирги замон талабларига жавоб берадиган, замонавий фикрлайдиган, юқори малакали мутахассислар, ҳамда хорижий менежерларни ёллаш;

ижро этувчи органининг раисини (бошқарув раиси, директори) ва коллегиял ижроия органи (бошқарув, дирекция) аъзоларини иш билан таъминлаш учун Жамият номидан бир йил муддатга меҳнат шартномасини тузиш;

корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш, агар жамият уставида бундай лавозимни жорий этиш назарда тутилган бўлса;

жамиятнинг йиллик бизнес-режасини маъқуллаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим;

ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш;

жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;

аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш (бекор қилиш);

жамиятнинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;

дивиденд миқдори, уни тўлаш шакли ва тартиби юзасидан тавсиялар бериш;

жамиятнинг захира фондидан ва бошқа фондларидан фойдаланиш;

жамиятнинг филиалларини ташкил этиш ва ваколатхоналарини очиш;

жамиятнинг шўъба ва тобе хўжалик жамиятларини ташкил этиш;

Ўзбекистон Республикасининг “Акциядорлик жамиятлари ва Акциядорлар ҳуқуқларини ҳимоя қилиш тўғрисида” ги Қонунининг 8 моддасига мувофиқ ушбу битимни тузиш санасида жамият томонидан предмети мулк, баланс қиймати ёки харид қилиш қиймати жамиятнинг соф активлари ҳажмининг ўн бешдан эллик фоизигачани ташкил этадиган катта битимни тузиш ҳақидаги қарорни қабул қилиш;

Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида” ги Қонунининг 9 моддасига мувофиқ жамиятнинг афилланган шахси билан битим тузиш ҳақидаги қарорни қабул қилиш;

жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

жамиятнинг устав фондини (устав капиталини) кўпайтириш, шунингдек жамият уставига жамиятнинг устав фондини (устав капиталини) кўпайтириш ҳамда жамиятнинг эълон қилинган акциялари сонини камайитириш билан боғлиқ ўзгартиш ва қўшимчалар киритиш;

қимматли қоғозлар (акциялар, облигациялар) ва эмиссия рисоласини чиқариш ҳақидаги қарорга ўзгартиш ва (ёки) қўшимчалар киритиш ҳамда рисола матнини тасдиқлаш;

қимматли қоғозлар (акциялар, облигациялар) ва эмиссия рисолаларини чиқариш тўғрисидаги қарорга ўзгартиришлар ва (ёки) қўшимчалар киритиш ва уларнинг матнларини тасдиқлаш;

Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида” ги Қонунининг 34 моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

қимматли қоғозларнинг ҳосилаларини чиқариш тўғрисида қарор қабул қилиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

ижроия органига тўланадиган ҳақ ва компенсацияларнинг миқдорларини белгилаш;

ахборот сиёсати ҳақидаги низомни тасдиқлаш;

қарор қабул қилинган санаси ҳолатига ҳажми жамиятнинг соф активларининг бир фоизидан ошувчи хайрия (ҳомийлик) ёки беминнат ёрдам бериш ҳақида қарор қабул қилиш;

жамиятда корпоратив бошқарув тизимини баҳолаш учун танлов асосида мустақил баҳоловчи ташкилотни жалб этиш;

5.Жамиятнинг кузатув кенгаши Корпоратив бошқарув кодекси тавсияларини амалга татбиқ этиш учун амалга оширади:

Жамиятда тузилган ижро органи, жамиятнинг ички назорати органлари, коллегиал органлар фаолиятини мувофиқлаштириш ва зарурат туғилганда жамиятни ривожлантириш режаларини тузишни ташкиллаштириш ва унда белгиланган мақсадларга етишиш мониторинги учун экспертларни жалб этиш;

АЖнинг ташкилий тузулмаси қонунчилик талабларига мослиги борасида баҳолаб бориш ишланма ишлаб чиқиш, татбиқ этиш ва мунтазамлигини таъминлаш, ҳамда Халқаро молиявий ҳисобот юритиш стандартларига мос равишда ҳар йиллик молиявий ҳисоботларни нашр этишга ўтишни таъминлаш бўйича ишларни мувофиқлаштириш;

Корпоратив бошқарув кодекси тавсияларининг татбиқ этишлиги устидан назоратни амалга ошириш.

6.Кузатув кенгаши ваколатлари доирасига қонунчилик ва жамият низомига мос ҳолда бошқа масалалар ҳам киритилиши мумкин.

7.Жамиятнинг кузатув кенгаши ваколатлари доирасига киритилган масалалар бўйича жамиятнинг ижро органи қарор қабул қилиши мумкин эмас.

III. КУЗАТУВ КЕНГАШИ АЪЗОЛАРИНИНГ САЙЛАНИШИ, ТАЙИНЛАНИШИ ВА МУДДАТИДАН ОЛДИН ВАКОЛАТЛАРИНИНГ ТУГАТИЛИШИ

8. Жамиятнинг кузатув кенгаши аъзоларини сайлаш акционерларнинг умумий йиғилиши томонидан қонун ва жамият низомига мос ҳолда бир йил муддатга сайланади.

9. Кузатув кенгаши аъзолари сони Жамиятнинг Уставига асосан белгиланади, Жамиятни кузатув кенгаши аъзолари 5 кишидан иборатдир.

10. Хўжалик жамиятлари кузатув кенгашлари (банк кенгашлари) аъзолигига бўйича номзодлар:

устав капитали (фонди)да давлат улуши 50 фоиз ва ундан ортиқ бўлган хўжалик жамиятлари бўйича — **Ўзбекистон Республикасининг Бош вазири ёки унинг тегишли ўринбосарлари ва маслаҳатчилари билан келишган** ҳолда;

устав капитали (фонди)да давлат улуши 50 фоизгача бўлган хўжалик жамиятлари бўйича — **Ўзбекистон Республикаси Вазирлар Маҳкамасининг тегишли котибиятлари билан келишган** ҳолда номзодлар кўрсатиш тартиби жорий қилинсин.

11. Жамият кузатув кенгашининг миқдорий таркиби жамият низоми билан белгиланади. Бу ерда жамият кузатув кенгаши таркибига бир нафардан кам бўлмаган мустақил аъзони (аммо унинг низоми билан белгиланган кузатув кенгаши аъзоларининг 15% дан кам бўлмаган) киритади. Агар жамиятнинг мустақил аъзоси киритилмаса, жамият Кодекснинг тавсияси риоя этилмаганлиги сабаблари ҳақида маълумот нашр қилинади.

12. Кузатув кенгашининг мустақил аъзоларига нисбатан қўйиладиган мезонлар Корпоратив бошқарув кодексида белгилаб берилган.

13. Жамият кузатув кенгаши аъзолигига сайланган шахслар чекланмаган тарзда қайта сайланишлари мумкин.

14. Жамиятнинг ижро органи раҳбари ва унинг аъзолари жамият кузатув кенгашига сайлана олмайдилар.

15. Худди шу жамиятда меҳнат шартномаси (контракт) асосида ишлаётган шахслар жамият кузатув кенгашига аъзо бўла олмайдилар.

16. Кузатув кенгашининг сайланган аъзоси ваколатларини муддатида олдин тугатиш акциядор ўзгарган ҳолда, кузатув кенгаши аъзоси томонидан ўз мажбуриятларини бузганлиги, кузатув кенгашининг тегишли аризаси мавжуд бўлгани ва бошқа асосларга биноан акциядорлар умумий йиғилиши қарори билан амалга оширилади.

16. Жамиятнинг кузатув кенгаши таркибига сайланаётган шахслар корпоратив бошқарувчи (давлат ҳиссаси мавжуд бўлган жамиятлар учун) шаҳодатномаси ёки Корпоратив бошқарув бўйича илмий – таълим маркази сертификатига эга бўлишлари зарур.

17. Жамиятнинг Кузатув кенгаши таркибига иқтисодий хизмат, корпоратив хизмати алоқалари мутахассислари бўлиши мумкин:

Бундай ҳолатда, номзодлар ишчилар орасида танланади.

-техник, молиявий, иқтисодий ва юридик йўналишлар бўйича олий маълумотга эга бўлиши;

- камида икки йил давомида молиявий-иқтисодий хизматида, қурилиш ва таъмирлаш, фойдаланишга топшириш, лойиҳалаш ва тадқиқот корхоналарида меҳнат тажрибасига эга бўлиш;

- Корпоратив бошқарув бўйича малака сертификатига (давлат улуши бўлган компаниялар учун) ёки Корпоратив бошқарув бўйича Илмий ва ўқув марказининг аттестат эга бўлиш.

18.Жамиятнинг кузатув кенгаши аъзолари сайловлари кўпайтириш (кумулятив) овоз бериш йўли билан ўтади.

19.Кўпайтириш орқали овоз берганда ҳар бир акциядорга мансуб бўлган овозлар сони жамиятнинг кузатув кенгашига сайланиши керак бўлган шахслар сонига кўпайтирилади. Акциядор бу тарзда йиққан овозларини тўлиқ битта номзодга бериши ёки уларни иккита ва ундан ортиқ номзодлар ўртасида тақсимлаши мумкин.

20. Кузатув кенгаши таркибига энг кўп овоз олган номзодлар сайланган бўлиб ҳисобланади.

IV. КУЗАТУВ КЕНГАШИНИНГ РАИСИ

20.Жамият кузатув кенгаши раиси кузатув кенгаши аъзолари томонидан унинг таркибидан кузатув кенгаши аъзоларини умумий сонидан кўпчилик овози билан сайланади.

21.Жамият кузатув кенгаши ўз раисини кузатув кенгаши аъзоларини умумий сонидан кўпчилик овози билан қайтадан сайлаши мумкин.

22.Жамият кузатув кенгаши раиси унинг ишини ташкиллаштиради, кузатув кенгаши йиғилишларини чақиради ва уларга раислик қилади, мажлисларда баёнлаштиришни йўлга қўяди, акциядорлар умумий йиғилишига раислик қилади.

23.Кузатув кенгаши раиси узрли сабабларга кўра йиғилишда иштирок этолмаса унинг функцияларини кузатув кенгашининг аъзоларидан бири бажаради.

V. КУЗАТУВ КЕНГАШИНИНГ ЙИҒИЛИШИ

24.Жамиятнинг кузатув кенгаши йиғилиши кузатув кенгаши раиси томонидан унинг ташаббуси асосида, кузатув кенгаши, тафтиш комиссияси, ижро органи аъзоси ва биргаликда жамиятнинг овоз берувчи акцияларининг бир фоизидан кам бўлмаган миқдорида эга бўлган акциядорлар (акциядор) талабига биноан чақирилади.

25. Жамият кузатув кенгашининг раиси Жамият кузатув кенгашининг мажлисини чақириш тўғрисидаги ариза олинган кундан бошлаб уч кун мобайнида ушбу талабни кўриб чиқади ва қонунда белгиланган ҳолларда

кузатув кенгашининг мажлисини ўтказишни ёки уни ўтказишни рад этиш тўғрисида қарор қабул қилади.

26. Жамият кузатув кенгашининг мажлисини ўтказиш тўғрисида қарор қабул қилинган тақдирда, бундай йиғилиш уни ўтказиш тўғрисида талаб қилинган кундан бошлаб ўн кундан кечикмасдан ўтказилиши керак.

27. Жамиятнинг кузатув кенгаши йиғилиши кузатув кенгаши раиси томонидан камида ҳар чоракда бир марта чақирилади. Йиғилишда мажбурий тарзда кўриладиган масалалар:

ижро органининг жамиятни йиллик бизнес – режаси бажарилиши жараёни, жамиятни ривожлантириш стратегиясини амалга ошириш, қилинган ишлар ва жамият таркибига кирувчи корхоналарнинг тасдиқланган бизнес – режаларида белгиланган кўрсаткичларига етишишлари, ҳамда жамиятнинг бошқа ички ҳужжатлари ҳақида ҳисоботи;

ички аудит хизмати ҳисоботи;

тафтиш комиссиясининг аффиланган шахслар билан битим тузилиши ёки жамиятда тузилган йирик битимлар ҳамда ушбу битимларни тузишда қонунчилик талаблари ва ички ҳужжатларга риоя қилиниши ҳақидаги хулосаси.

28. Жамиятнинг кузатув кенгаши йиғилишини ўтказиш учун кворум жамият кузатув кенгаши сайланган аъзоларининг умумий сонидан етмиш беш фоиздан кам бўлмагани ҳолатида мавжуд бўлади.

29. Агар жамият кузатув кенгаши аъзоларининг сони жамият низомида кўрсатилган сонининг етмиш беш фоиздан кам бўлса, жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилиши чақирилиши керак. Кузатув кенгашининг қолган аъзолари ушбу акциядорларнинг навбатдан ташқари умумий йиғилиши чақирилиши ҳақида қарор қабул қилишга ҳақли, ҳамда кузатув кенгаши раиси ваколатлари муддатидан илгари тугатилганда вақтинча унинг вазифаларини бажарувчини тайинлашлари мумкин.

30. Жамиятнинг кузатув кенгаши йиғилишларида қарорлар қатнашчилар овозларининг кўпчилиги билан қабул қилинади, Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида” ги Қонунида ва жамият низомида назарда тутилган ҳолатлар бундан мустаснодир. Жамиятнинг кузатув кенгаши йиғилишларида масалалар бўйича қарор қабул қилинганда кузатув кенгашининг ҳар бир аъзоси битта овозга эга.

Кузатув кенгаши аъзоларининг овозлари тенг бўлган ҳолда, кузатув кенгашининг раиси овози ҳал қилувчи кучга эга бўлади.

Жамиятнинг устав фонди (капитали)ни ошириш бўйича ва низомга тегишли ўзгартишлар киритиш бўйича қарорлар жамиятнинг кузатув кенгаши томонидан бир овоздан қабул қилинади.

31.Жамият кузатув кенгаши аъзоси томонидан ўз овозини жамият кузатув кенгашининг бошқа аъзоси ёки учинчи шахсга шахсга ўтказиши мумкин эмас.

31.Жамият кузатув кенгаши йиғилиши баёнлаштирилади. Жамият кузатув кенгаши йиғилишининг баённомаси уни ўтганидан сўнг ўн кундан кечиктирмай тузилади.

32.Йиғилиш баённомасида ушбулар кўрсатилади:

- уни ўтказиш санаси, вақти ва жойи;
- йиғилишда қатнашган шахслар;
- йиғилишнинг кун тартиби;
- овоз беришга қўйилган масалалар, улар бўйича овоз бериш натижалари;
- қабул қилинган қарорлар.

33.Жамиятнинг кузатув кенгаши йиғилиши баённомаси йиғилишда қатнашган жамият кузатув кенгаши аъзолари томонидан имзоланади, улар баённома тўғрилигига жавобгар ҳисобланадилар.

34.Жамият кузатув кенгаши йиғилишининг баённомаси уни имзоланган куни ижро учун жамият Бошқаруви раисига топширилади. Жамият кузатув кенгаши томонидан акциядорларнинг умумий йиғилишини чақириш борасида қарор қабул қилинганда ушбу қарор ҳақидаги маълумот кузатув кенгаши йиғилиши ўтказилган куни жамиятнинг Бошқарув раисига берилади.

35.Кузатув кенгашининг йиғилиши сўров йўли билан ҳам ўтказилиши мумкин, тафтиш комиссияси, ички аудит ва ижро органи ҳисоботлари эшитиладиган йиғилишлар бундан мустаснодир. Бу аснода жамият кузатув кенгашининг қарорлари кузатув кенгашининг аъзолари томонидан бир овозда сиртдан овоз бериш (сўров шаклида) йўли билан қабул қилиниши мумкин.

Техник воситалар, кузатув кенгаши аъзоларини идентификациялаш воситалари ва бошқ. жиҳозлар мавжуд бўлган ҳолда кузатув кенгашининг йиғилишлари видео-конференц-алоқа тарзида ўтказилиши мумкин.

VI. КУЗАТУВ КЕНГАШИ АЪЗОЛАРИНИНГ ҲУҚУҚ ВА МАЖБУРИЯТЛАРИ

35. Кузатув кенгаши аъзоси қуйидагиларга ҳақли:

- кузатув кенгаши йиғилишида шахсан қатнашиш, регламент бўйича белгиланган вақт доирасида муҳокама қилинаётган масала бўйича сўзга чиқиш;
- кузатув кенгаши қарори асосида жамиятнинг муайян муддат давомидаги фаолияти, уни ривожланиш режалари ҳақида маълумот олиш;

- қонунчилик ва жамиятнинг ички ҳужжатлари билан белгиланган тартибда кузатув кенгашида ишлагани учун мукофот ва (ёки) харажатлари учун бадаллар олиш;

- қонунчилик ва жамиятнинг низоми томонидан кўзда тутилган бошқа ҳуқуқлар;

- кузатув кенгаши қошида тегишли масалалар бўйича кузатув кенгаши аъзолари, ижро органи, АЖ ходимлари ва жалб этилган экспертлар (мос малакага эга мутахассислар, ихтисослашган олий ўқув юртлари ўқитувчилари таркиби ва бошқ.) ҳисобидан қўмиталар (ишчи гуруҳлар) тузиш, шу жумладан низоли вазиятлар, аудит, кадрлар ва бошқ. қўмиталар;

36.Кузатув кенгаши аъзосининг вазифалари:

- тахмин қилинаётган битим, ушбу шартноманинг жиддий шартлари ҳақида муфассал маълумотларни кўрсатган ҳолда ёзма хабарнома орқали жамиятни ўзининг афиллангани борасида жамиятни хабардор этиш;

- ўзининг хизмат вазифаларини сидқидилдан, ҳамда жамият манфаатлари йўлида энг тўғри деб топилган равишда ижро этиш;

- қонунчилик ва жамият низоми билан белгиланган бошқа вазифа ва мажбуриятлар.

37.Кузатув кенгашининг аъзолари жамият имкониятларини (мулкӣ ва номулкий ҳуқуқлар, хўжалик фаолият соҳасидаги имкониятлар, жамият фаоияти ва режалари ҳақидаги маълумотлар) шахсий бойиш учун ишлатишга ҳақлари йўқ.

VII. КУЗАТУВ КЕНГАШИ АЪЗОЛАРИНИНГ ЖАВОБГАРЛИГИ

38.Жамият кузатув кенгаши аъзолари ўз ҳуқуқлари амалга ошириш ва мажбуриятларини бажариш чоғида жамият манфаатини кўзлаб амал қилишлари зарур ва қонунчилик ва жамият низомига мувофиқ жамият олдида жавобгардирлар.

39.Агар жавобгарлик бир неча кишига юклатилган бўлса, уларнинг жамият олдидаги жавобгарлиги умумийдир.

40.Жамиятга зарар етказадиган қарор бўйича қарши овоз берган ёки овоз беришда қатнашмаган кузатув кенгаши аъзолари жавобгар эмаслар, Ўзбекистон Республикасининг “Акциядорлик жамиятлари ва акциядорлар ҳуқуқларини ҳимоя қилиш тўғрисида” ги Қонуннинг 90 моддасида назарда тутилган ҳолатлар бундан мустаснодир.

41.Жамият ва биргаликда жамиятни жойлаштирилган акцияларининг бир фоизидан кам бўлмаган миқдорга эга бўлган акциядор кузатув кенгаши аъзоси устидан судга шикоят қилиб, жамиятга етказилган зарарни қоплашни талаб қилиши мумкин.

VIII. КУЗАТУВ КЕНГАШИ АЪЗОЛАРИГА МУКОФОТЛАР ТАЙИНЛАНИШИНИНГ ТАРТИБИ

42. Корпоратив бошқарув тизими ва жамият фаолиятининг молиявий натижаларининг мустақил баҳоланиши натижаларига кўра кузатув кенгаши аъзоларига мукофот тўланади.

43. Жамият ҳар чорак (чорак, олти ой якунлари, йиллик) корпоратив бошқарув тизими ва жамият фаолиятининг молиявий натижаларининг мустақил баҳолашни ўтказди.

44. Мустақил баҳолаш натижалари кузатув кенгаши раиси ва аъзоларига тўланадиган мукофотнинг ҳажмларини аниқлашга асос бўлади.

45. Холис ташкилот билан тузилган шартномага асосан кузатув кенгашининг иши сифат жиҳатидан қониқарсиз, паст, қониқарли ва юқори баҳоланиши мумкин.

46. Кузатув кенгашининг ҳар чоракда ҳар бир аъзосига тўланадиган мукофат пули қуйидаги тартибда белгиланади:

- агар қониқарсиз деб топилса - мукофат пули тўланмайди;
- агар паст деб топилса, энг кам ойлик иш ҳақининг 1 баравари миқдорида ҳақ тўланади;
- агар қониқарли деб топилса - энг кам иш ҳақининг 5 баравари миқдорида тўланади;
- агар юқори деб топилса, унда энг кам иш ҳақининг 10 баравари миқдорида тўланади.

Бу кузатув кенгаши раисига кузатув кенгаши аъзосига тўланган суммадан 1,2 баробаридан ортиқ бўлмаган миқдорда ҳақ тўлаш учун кўпайтириш омилини белгилайди.

47. Акциядорлар умумий йиғилиши котибининг маълумотномасига паспорт нусхаси, СТИР ва ИНПСга асосан сайланган кузатув кенгаши аъзоларига ҳар чоракда Кузатув кенгашига тўланадиган мукофат пули ижроия органининг резолюциясига асосан бухгалтерия тўловни ҳисоблайди ва амалга оширади.

48. Мукофат пулини ҳисоблашда жамиятнинг бухгалтерия бўлими амалдаги қонун ҳужжатларига мувофиқ даромад солиғи ва чегирмаларни ушлаб туришни таъминлайди. Олинмаган тўловлар белгиланган тартибда сақланишини таъминлайди.

49. Мукофат пулини тўлаш бўйича боғлиқ харажатлар жамиятнинг бухгалтерияси томонидан тегишли проводкаси берилади.

50. Жамиятнинг кузатув кенгашига мукофат пули қуйидаги ҳолларда тўланмайди.

- Кузатув кенгашининг фаолияти тугатилганда;
- Кузатув кенгаши аъзолари ўз вазифаларини бажармаганда (акциядорларнинг умумий йиғилиш қарори билан).

51. Кузатув кенгаши аъзоларига мукофат пулидан ташқари Акциядорлар умумий йиғилишини қарори билан соф фойдадан келиб чиқиб бошқа тўловлар тўланиши мумкин.

52. давлат ташкилотлари раҳбарлари ёки раҳбар ўринбосарлари, шунингдек, ходимлари бўлган хўжалик жамиятлари кузатув кенгашлари (банк кенгашлари) аъзоларига ҳақ тўлаш ва (ёки) ўз функцияларини амалга ошириш билан боғлиқ харажатларни қоплаш бир чоракда энг кам ойлик иш ҳақининг 50 бараваридан кўп бўлмаган миқдорда амалга оширилади;

давлат ташкилотлари раҳбарлари ёки раҳбар ўринбосарлари, шунингдек, ходимлари бўлган хўжалик жамиятлари кузатув кенгашлари (банк кенгашлари) аъзоларига ҳақ тўлаш ва (ёки) ўз функцияларини амалга ошириш билан боғлиқ харажатларни қоплаш миқдорлари улар кузатув кенгаши аъзоси бўлган хўжалик жамиятлари фаолиятининг тегишли соҳасини ривожлантиришга қўшган шахсий ҳиссасини инобатга олган ҳолда белгиланади;

давлат ташкилотлари раҳбарлари ёки раҳбар ўринбосарлари, шунингдек ходимлари, қоида тариқасида, бир пайтнинг ўзида ҳақ тўланадиган кузатув кенгашларининг аъзолари сифатида иккитадан кўп бўлмаган хўжалик жамияти фаолиятида иштирок этиши мумкин

IX. ХУЛОСА ҚИСМИ

52. Кузатув кенгаши аъзоларини зарурий материаллар билан таъминлаш, ҳамда акциядорлар ва инвестицияловчилар билан алоқа қилишга масъул - корпоратив маслаҳатчидир.

53. Ушбу Низомнинг талабларини бузганликда айбдор шахслар белгиланган тартибда жавобгардирлар.

54. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) жамиятга етказилган зарарларнинг ўрнини қоплаш тўғрисидаги даъво билан жамиятнинг кузатув кенгаши аъзоси устидан судга мурожаат қилишга ҳақли.

54. Агар ушбу Низомнинг алоҳида моддалари Ўзбекистон Республикасининг амалдаги қонунчилиги ва/ёки Жамият Низомига ҳилоф бўлса, бу моддалар ўз кучини йўқотади ва бу моддаларда берилган ҳолатлар бўйича ушбу Низомга тегишли ўзгартишлар киритилгунга қадар Ўзбекистон Республикасининг амалдаги қонунчилиги ва/ёки Жамият Низомига асосан амал қилиниши зарур.